



Kakanj, 15.09.2020. godine
Broj: 02-3-71/1-15230/20

Na osnovu člana 69. i 70. Zakona o javnim nabavkama BiH ("Službeni glasnik BiH" broj 39/14), člana 99. Statuta JP Elektroprivreda BiH d.d. - Sarajevo broj: SD-5211/16-38/2. od 29.03.2016. godine i Statuta o izmjeni i dopuni Statuta JP Elektroprivreda BiH d.d. - Sarajevo broj: SD-18295/18-51/5. od 19.07.2018. godine, te člana 4. stav (6) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva -Prečišćeni tekst- broj: 06-14208/20 od 29.05.2020. godine, v.d. direktor Podružnice Termoelektrana "Kakanj" Kakanj, na preporuku Komisije za javnu nabavku, d o n o s i

O D L U K U **o poništenju postupka nabavke**

Član 1.

Poništava se otvoreni postupak javne nabavke za dostavu ponuda u predmetu Građevinski radovi - iskopi za potrebe Podružnice Termoelektrana "Kakanj" Kakanj tender broj: 2000028578, obavještenje broj: 1424-1-3-207-3-280/20 objavljen u "Službenom glasniku BiH" broj: 53 od 28.08.2020. godine i 19.08.2020. godine na Portalu www.ejn.gov.ba, iz razloga što primljena ponuda nije prihvatljiva.

Član 2.

Ova Odluka će se objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

Član 3.

Zadužuje se Služba za komercijalne poslove Podružnice Termoelektrana „Kakanj“ Kakanj da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđaču i time ga obavijesti o rezultatima postupka javne nabavke.

O b r a z l o ž e n j e

Po otvorenom postupku javne nabavke za dostavu ponuda u predmetu Građevinski radovi - iskopi za potrebe Podružnice Termoelektrana "Kakanj" Kakanj tender broj: 2000028578, obavještenje broj: 1424-1-3-207-3-280/20 objavljen u "Službenom glasniku BiH" broj: 53 od 28.08.2020. godine i 19.08.2020. godine na Portalu www.ejn.gov.ba, ponudu je dostavio ponuđač:

- HARRY ELECTRICS d.o.o Kakanj

U Zapisniku o pregledu i ocjeni ponuda od dana 11.09.2020. godine, Komisija za javnu nabavku je nakon izvršenog otvaranja, pregleda i ocjene primljene ponude, prilikom prihvatljivosti ponuda prema obliku, sadržaju i potpunosti iz Zapisnika sa otvaranja ponuda konstatovala da ponuđač HARRY ELECTRICS d.o.o Kakanj nije dostavio ponudu u skladu sa tačkom 5.6 tenderske dokumentacije na način da "Svi listovi ponude moraju biti čvrsto uvezani, čvrsto lijepljeni uvez u obliku knjige/sveske ili uvez s jemstvenikom koji je zalijepljen i ovjeren pečatom firme ponuđača...". Ponuđač nije popunio ANEKS 2 u skladu sa šemom koja je data u tenderskoj dokumentaciji, nije upisao broj službenog glasnika i datum, nije popunio ni ANEKS 4 i ANEKS 8 u skladu sa šemom koja je data u tenderskoj dokumentaciji, nije upisao broj službenog glasnika i datum.

Pored navedenog nije ispunio ni zahtjev 6.5 a) tenderske dokumentacije "spisak minimalno 1 (jednog) uredno izvršenog ugovora čija vrijednost ne može biti manja od 2.000,00 KM bez PDV-a, koji se odnosi

na poslove iskopa tla, pripremnih i drugih građevinskih radova u posljednje 3 (tri) godine ili od datuma registracije, odnosno početka poslovanja, ako je ponuđač registriran, odnosno počeo s radom prije manje od 3 (tri) godine, računajući od isteka roka za podnošenje ponuda, uz dostavljanje minimalno jedne potvrde čija vrijednost ne može biti manja od 2.000,00 KM bez PDV-a koju je izdala druga ugovorna strana o uspješnoj realizaciji ugovora navedenog na spisku. (Potvrda o uredno izvršenom ugovoru mora sadržavati sljedeće podatke: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru)".

Na osnovu ukupne ocjene ponude prema kriteriju za dodjelu ugovora "najniža cijena", Komisija za javnu nabavku je predložila da se izvrši poništenje po predmetnom postupku nabavke u skladu sa članom 69. stav (2) tačka d) Zakona o javnim nabavkama BiH iz razloga što primljena ponuda nije prihvatljiva.

Na osnovu gore navedenog, to je i donesena Odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.



v.d. Direktor

Enver Merdić

Dostaviti:

- Ponuđaču
- Službi za komercijalne poslove
- a/a